

亥21

93-9

周氏醫學叢書

第二十九冊



小兒藥證直訣

閻氏方董氏斑疹方各一卷



光緒辛卯仲秋
池陽周氏校刊



小兒藥證真訣原序

醫之爲藝誠難矣而治小兒爲尤難自六歲以下黃帝不載其說始有顛顛經以占壽夭死生之候則小兒之病雖黃帝猶難之其難一也脈法雖曰八至爲和平十至爲有病然小兒脈微難見醫爲持脈又多驚啼而不得其審其難二也脈旣難憑必資外證而其骨氣未成形聲未正悲啼喜笑變態不常其難三也問而知之醫之工也而小兒多未能言言亦未足取信其難四也臟腑柔弱易虛易實易寒易熱又所用多犀珠龍麝醫苟難辨何以已疾其難五也種種隱奧其難固多余嘗致思于此又目見庸醫妄施方藥而殺之者十常四五良

可哀也蓋小兒治法散在諸書又多出于近世臆說汗漫難據求其要妙豈易得哉太醫丞錢乙字仲陽汝上人其治小兒該括古今又多自得著名于時其法簡易精審如指諸掌先子治平中登第調須城尉識之余五六歲時病驚疳癖痕屢至危殆皆仲陽拯之良愈是時仲陽年尚少不肯輕傳其書余家所傳者纔十餘方耳大觀初余筮仕汝海而仲陽老矣于親舊間始得說證數十條後六年又得雜方蓋晚年所得益妙比于京師復見別本然旋著旋傳皆雜亂初無紀律互有得失因得參校焉其先後則次之重複則削之訛謬則正之俚語則易之上卷脈證治法中卷記嘗所治病下卷諸方

而書以全于是古今治小兒之法不可以加矣余念博
愛者仁者之用心幼幼者聖人之遺訓此惠可不廣耶
將傳之好事者使幼者免橫天之苦老者無哭子之悲
此余之志也因以明仲陽之術于無窮焉宣教郎大梁
閻季忠序

四庫全書目錄提要

臣

等謹按小兒藥證真訣三卷宋大梁閻季忠所
編錢乙方論也乙字仲陽東平人官至太醫院丞
事跡具宋史方技傳乙在宣和間以巫方氏顯願
經治小兒甚著于時故季忠集其舊法以爲此書
上卷論證中卷爲醫案下卷爲方陳振孫書錄解
題馬端臨文獻通考並著錄明以來舊本久佚惟
雜見諸家醫書中今從永樂大典內掇拾排纂得
論證四十七條醫案二十三條方一百一十有四
各以類編仍爲三卷又得閻季忠序一篇劉跂所
作錢仲陽傳一篇並冠簡端條理秩然幾還其舊

疑當時全部收入故無大佚脫也小兒經方千古罕見自乙始別爲專門而其書亦爲幼科之鼻祖後人得其緒論往往有回生之功如六味丸方本後漢張機金匱要略所載崔氏八味丸方乙以爲小兒純陽無煩益火除去肉桂附子二味以爲幼科補劑明薛己承用其方遂爲直補真陰之聖藥其斟酌通變動契精微亦可以槩見矣閻季忠永樂大典作閻孝忠然書錄解題及通考皆作季忠疑永樂大典爲傳寫之訛今改從諸家作季劉跂字斯立東平人摯之子也有學易集別著錄所撰乙傳與宋史方技傳略同蓋宋史卽據此傳爲藍

本云乾隆四十五年十一月恭校上

總纂官內閣學士 臣紀昀

光祿寺卿 臣陸錫熊

纂修官翰林院編修 臣王嘉會

學海初讀

武英殿聚珍本小兒藥證真訣一書仰見

聖天子撫育至德被及萌芽豈第宣聖少懷之義而當

日諸臣蒐採之勤亦可謂能上體

皇仁而不遺餘力者矣急將付梓以廣其傳庶幾薄海

呱呱脫於天枉亦儒生窮居艸野宣布

德意上酬



高厚之一端也旋復於書肆得所爲仿宋刻者其次第
頗異而後附有閻孝忠小兒方董汲斑疹方各
一卷夫當諸臣蒐採之日天下藏書之家莫不
爭獻祕笈卒未得是書真本而今乃復見於世
豈非古人精氣有不可磨滅者與是書原刻閻
名作孝忠真訣作直訣今未敢易也 聚珍本
往往有閻氏方論誤入錢書者今依朱本則各
得其所矣其藥味分量間有不同今各注于本
方之末至薛氏醫案本已爲薛氏所亂不足引
證云

光緒十七年辛卯長夏內閣中書周學海謹記

錢仲陽傳

河間劉跂撰

錢乙字仲陽上世錢塘人與吳越王有屬倣納土曾祖
贊隨以北因家於鄆父顥善針醫然嗜酒喜遊一旦匿
姓名東遊海上不復返乙時三歲母前亡父同產嫁醫
呂氏哀其孤收養爲子稍長讀書從呂君問醫呂將歿
乃告以家世乙號泣請往跡父凡五六返乃得所在又
積數歲乃迎以歸是時乙年三十餘鄉人驚歎感慨爲
泣下多賦詩詠其事後七年父以壽終喪葬如禮其事
呂君猶事父呂君歿無嗣爲之收葬行服嫁其孤女歲
時祭享皆與親等乙始以顥頤方著山東元豐中長公
主女有疾召使視之有功奏授翰林醫學賜緋明年皇

子儀國公病瘵癰國醫未能治長公主朝因言錢乙起
草野有異能立召入進黃土湯而愈神宗皇帝召見褒
諭且問黃土所以愈疾狀乙對曰以土勝水木得其平
則風自止且諸醫所治垂愈小臣適當其愈天子悅其
對擢太醫丞賜紫衣金魚自是戚里貴室逮士庶之家
願致之無虛日其論醫諸老宿莫能持難俄以病免哲
宗皇帝復召宿直禁中久之復辭疾賜告遂不復起乙
本有羸疾性簡易嗜酒疾屢攻白以意治之輒愈最後
得疾憊甚乃歎曰此所謂周痺也周痺入藏者死吾其
已夫已而曰吾能移之使病在末因自製藥日夜飲之
人莫見其方居亡何左手足攣不能用乃喜曰可矣又

使所親登東山視菟絲所生秉火燭其下火滅處斷之
果得茯苓其大如斗因以法噉之閱月而盡絲此雖偏
廢而氣骨堅悍如無疾者退居里舍杜門不冠屨坐臥
一榻上時時閱史書雜說客至酌酒劇談意欲之適則
使二僕夫輿之出沒閭巷人或邀致之不肯往也病者
日造門或扶攜襁負纍纍滿前近自鄰井遠或百數十
里皆授之藥致謝而去初長公主女病泄利將殆乙方
醉日當發疹而愈駙馬都尉以爲不然怒責之不對而
退明日疹果出尉喜以詩謝之廣親宗室子病診之曰
此可無藥而愈願其幼曰此兒旦夕暴病驚人後三日
過午無恙其家恚曰幼何疾醫貪利動人乃如此明日

果發癘甚急復召乙治之三日愈問何以無疾而知曰
火急直視心與肝俱受邪過午者心與肝所用時當更
也宗室王子病嘔泄醫以藥溫之加喘乙曰病本中熱
脾且傷奈何以剛劑燥之將不得前後洩與石膏湯王
與醫皆不信謝罷乙曰毋庸復召我後二日果來召適
有故不時往王疑且怒使人十數輩趣之至曰固石膏
湯證也竟如言而效有士人病欬面青而光其氣哽哽
乙曰肝乘肺此逆候若秋得之可治今春不可治其家
祈哀彊之與藥明日曰吾藥再瀉肝而不少卻三補肺
而益虛又加唇白法當三日死然安穀者過期不安穀
者不及期今尙能粥居五日而絕有妊婦得疾醫言胎

且墮乙曰娠者五藏傳養率六旬乃更誠能候其月偏
補之何必墮已而子母皆得全又乳婦因大恐而病病
雖愈目張不得瞑人不能曉以問乙乙曰煮郁李酒飲
之使醉則愈所以然者日系內連肝膽恐則氣結膽衡
不下惟郁李去結隨酒入膽結去膽下目則能瞑矣如
言而效一日過所善翁聞兒唬愕曰何等兒聲翁曰吾
家學生二男子乙曰謹視之過百日乃可保翁不憚居
月餘皆斃乙爲方博達不名一師所治種種皆通非但
小兒醫也於書無不闕他人靳靳守古獨度越縱舍卒
與法合尤邃本艸多識物理辨正闕誤人或得異藥或
持疑事問之必爲言出生本末物色名貌退而考之皆

中末年孿痺浸劇其嗜酒喜寒食皆不肯禁自診知不可爲召親戚訣別易衣待盡享年八十二終於家所著書有傷寒論指微五卷嬰孺論百篇一子早世二孫今見爲醫

劉跂曰乙非獨其醫可稱也其篤行似儒其奇節似俠術盛行而身隱約又類夫有道者數謂余言曩學六元五運夜宿東平王冢巔觀氣象至逾月不寐今老且死事誠有不在書者肯以三十日暇從我當相授余笑謝弗能是後遂不復言嗚呼斯人也如欲復得之難哉沒後余聞其所治驗尤眾東州人人能言之剟其章章者著之篇異時史家序方術之士其將有考焉

小兒藥證直訣目錄

卷上

脈證治法

小兒脈法

變蒸

五藏所主

五藏病

肝外感生風

肝熱

肺熱

肺盛復有風冷

肺虛熱

肺藏怯

心熱

心實

腎虛

面上證

目內證

肝病勝肺

肺病勝肝

肝有風

肝有熱

肝有風甚

驚癇發搐

早晨發搐

日午發搐



日晩發搐 夜間發搐 傷風後發搐

傷食後發搐 百日內發搐

急驚 慢驚 五癇

瘡疹候 傷風 傷風手足冷

傷風自利 傷風腹脹 傷風兼藏

傷風下後餘熱 傷寒瘡疹同異

初生三日內吐瀉壯熱

初生三日已上吐瀉身溫涼

初生下吐 傷風吐瀉身溫

傷風吐瀉身熱 傷風吐瀉身涼

風溫等熱相似 腎怯失音相似



黃相似

夏秋吐瀉

吐乳

虛羸

欬嗽

諸疳

胃氣不和

胃冷虛

積痛

蟲痛

虛實腹痛附

蟲與癩相似

氣不和

食不消

腹中有癖

虛實腹脹

腫附

喜汗

盜汗

夜啼

驚啼

弄舌

丹瘤

解頤

太陽虛汗

胃怯汗

胃啼

胎肥

胎怯

胎熱

急欲乳不能食

龜背龜胸



腫病 五藏相勝輕重

雜病證 不治證

卷中

記嘗所治病二十三證

卷下

諸方

大青膏 涼驚圓 粉紅圓 又名溫驚圓

瀉青圓 地黃圓 瀉白散

阿膠散 又名補肺散 導赤散

益黃散 瀉黃散 白朮散

塗頤法 浴體法 甘桔湯



安神圓

當歸湯

瀉心湯

生犀散

白餅子

又名玉餅子

利驚圓

括蕪湯

五色圓

調中圓

塌氣圓

木香圓

胡黃連圓

蘭香散

白粉散

消積散

當從後作消積圓

安蟲散

紫霜圓

止汗散

香朮圓

花火膏

白玉散

牛黃膏

牛黃圓

玉露散

又名甘露散

百祥圓

一名南陽圓

牛李膏

一名必勝膏

宣風散

麝香圓

大惺惺圓



小惺惺圓 銀砂圓 蛇黃圓

三聖圓 小青圓 小紅圓

小黃圓 鐵粉圓 銀液圓

鎮心圓 金箔圓 辰砂圓

剪刀股圓 麝蟾圓 軟金丹

桃枝圓 蟬花散 鈎藤飲子

抱龍圓 豆卷散 龍腦散

治虛風方 回生散 又方 梓樸散

編銀圓 牛黃膏 五福化毒丹

羌活膏 郁李仁圓 犀角圓

異功散 藿香散 如聖圓



白附子香連圓

豆蔻香連圓

小香連圓

二聖圓

沒石子圓

當歸散

溫白圓

豆蔻散

溫中圓

胡黃連麝香圓

大胡黃連圓

榆仁圓

大蘆薈圓

龍骨散

橘連圓

龍粉圓

香銀圓

金華圓

安蟲圓

蕪荑散

膽礬圓

眞珠圓

消堅圓

百部圓

紫艸散

秦芃散

地骨皮散

人參生犀散

三黃圓



治顛開不合 天南星散

黃耆散

虎杖散

捻頭散

羊肝散

蟬蛻散

烏藥散

二氣散

葶藶圓

麻黃湯

生犀磨汁

大黃圓

史君子圓

青金丹

燒青圓

敗毒散



南京中醫藥大學圖書館版權所有

閻氏小兒方論目錄

治法

治小兒急慢驚

治小兒吐瀉

金液丹治小兒吐瀉虛極

驚風或洩瀉等

治小兒急驚方搯

治急慢驚

治小兒實熱疎轉

治小兒驚風痰熱

治小兒瘡疹傷食相似

治小兒瘡疹

治小兒脾胃虛弱

小兒治法大概

藥方

升麻葛根湯

惺惺散



消毒散

黃蘗膏

胡荽酒

四聖散

又方藍根散

治瘡疹倒撮黑陷

又方

治伏熱在心或悞服熱藥

龍腦圓

甘露飲子

白虎湯

調肝散

治瘡疹入眼

治瘡疹入眼成翳

又方

治口瘡

治癰耳

治畜熱

梔豉飲子

治蟲咬心痛

治脾胃虛寒吐瀉冷痰



治外腎腫硬成疔

鈎藤膏

魏香散

地黃散

治熱痢下血

菖蒲圓

雞頭圓

羚羊角圓

全蝎散

和中散

紫蘇子散

赤石脂散

藥墨散

至寶丹

紫雪

理中圓

五苓散

附子理中圓

金液丹

又方

青州白圓子

小柴胡湯



錢仲陽傳

無為軍新刊錢氏方後序

闕

正卷

雜書

醫案

醫論

醫方

醫藥

醫器

醫書

醫史



南京中醫藥大學圖書館版權所有

小兒藥證直訣卷上

宋錢乙仲陽著

閻孝忠編次

脈證治法

小兒脈法

脈亂不治 氣不和絃急 傷食沈緩 虛驚促急

風浮 冷沈細

變蒸

小兒在母腹中乃生骨氣五藏六府成而未全自生之

後即長骨脈五藏六府之神智也變者易也

巢論云上多變氣

又生變蒸者自內而長自下而上又身熱故以生之日

後三十二日一變變每畢即情性有異於前何者長生



府藏智意故也何謂三十二日長骨添精神人有三百六十五骨除手足中四十五碎骨外有三百二十數自生下骨一日十段而上之十日百段三十二日計三百二十段為一遍亦曰一蒸骨之餘氣自腦分入齦中作三十二齒而齒牙有不及三十二數者由變不足其常也或二十八日即至長二十八齒已下倣此但不過三十二之數也凡一周遍乃發虛熱諸病如是十周則小蒸畢也計三百二十日生骨氣乃全而未壯也故初三十二日一變生腎生志六十四日再變生膀胱其發耳與魄冷腎與膀胱俱主於水水數一故先變生之九十六日三變生心喜一百二十八日四變生小腸其發汗



出而微驚心爲火火數二一百六十日五變生肝哭一
百九十二日六變生膽其發目不開而赤肝主木木數
三二百二十四日七變生肺聲二百五十六日八變生
大腸其發膚熱而汗或不汗肺屬金金數四二百八十
八日九變生脾智三百二十日十變生胃其發不食腸
痛而吐乳此後乃齒生能言知喜怒故云始全也太倉
云氣入四肢長碎骨於十變後六十四日長其經脈手
足受血故手能持物足能行立也經云變且蒸謂蒸畢
而足一歲之日也師曰不汗而熱者發其汗大吐者微
下不可餘治是以小兒須變蒸蛻齒者如花之易苗所
謂不及三十二齒由變之不及齒當與變日相合也年

壯而視齒方明

五藏所主

心主驚實則叫哭發熱飲水而搖

聚珍本作搖

虛則臥而悸

動不安

肝主風實則目直大叫呵欠項急頓悶虛則咬牙多欠

氣熱則外生氣溼則內生氣

脾主困實則困睡身熱飲水虛則吐瀉生風

肺主喘實則悶亂喘促有飲水者有不飲水者虛則哽

氣長出氣

腎主虛無實也惟瘡疹腎實則變黑陷

更當別虛實證假如肺病又見肝證咬牙多呵欠者易



治肝虛不能勝肺故也若目直大叫哭項急頸悶者難
治蓋肺久病則虛冷肝強實而反勝肺也視病之新久
虛實虛則補母實則瀉子

五藏病

肝病哭叫目直呵欠頸悶項急

心病多叫哭驚悸手足動搖發熱飲水

脾病困睡洩瀉不思飲食

肺病悶亂哽氣長出氣氣短喘息

腎病無精光畏明體骨重

肝外感生風

呵欠頸悶口中氣熱當發散大青膏主之若能食飲水



不止當大黃圓微下之餘不可下

肝熱

手尋衣領及亂捻物瀉青圓主之壯熱飲水喘悶瀉白散主之

肺熱

手搯眉目鼻面甘桔湯主之

肺盛復有風冷

胸滿短氣氣急喘嗽上氣當先散肺後發散風冷散肺瀉白散大青膏主之肺不傷寒則不胸滿

肺虛熱

唇深紅色治之散肺虛熱少服瀉白散

肺藏怯

唇白色當補肺阿膠散主之若悶亂氣麤喘促哽氣者難治肺虛損故也

脾肺病久則虛而唇白脾者肺之母也母子皆虛不能相營故名曰怯肺主唇白白而澤者吉白如枯骨者死

心熱

視其睡口中氣溫或合面睡及上竄咬牙皆心熱也導赤散主之

心氣熱則心胸亦熱欲言不能而有就冷之意故合面臥

心實

心氣實則氣上下行澁合臥則氣不得通故喜仰臥則氣得上下通也瀉心湯主之

腎虛

兒本虛怯由胎氣不成則神不足目中白睛多其顙即解也凶開面色眊白此皆難養縱長不過八八之數若恣色慾多不及四旬而亡或有因病而致腎虛者非也又腎氣不足則下竄蓋骨重惟欲墜於下而縮身也腎水陰也腎虛則畏明皆宜補腎地黃圓主之

面上證

左顙爲肝

右顙爲肺

額上爲心

鼻爲脾

頰爲腎

赤者熱也隨證治之

目內證

赤者心熱導赤散主之

淡紅者心虛熱生犀散主之

青者肝熱瀉青圓主之淺淡者補之

黃者脾熱瀉黃散主之

無精光者腎虛地黃圓主之

肝病勝肺

肝病秋見

一作日哺

肝強勝肺肺怯不能勝肝當補脾肺治

肝益脾者母令子實故也補脾益黃散治肝瀉青圓主之

肺病勝肝



肺病春見一作早晨肺勝肝當補腎肝治肺藏肝怯者受病

也補肝腎地黃圓治肺瀉白散主之

肝有風

目連劄不搐得心熱則搐治肝瀉青圓治心導赤散主

之

肝有熱

目直視不搐得心熱則搐治肝瀉青圓治心導赤散主

之

肝有風甚

身反折強直不搐心不受熱也當補腎治肝補腎地黃

圓治肝瀉青圓主之



凡病或新或久皆引肝風風動而上於頭目目屬肝風入於目上下左右如風吹不輕不重兒不能任故目連劄也若熱入於目牽其筋脈兩眦俱緊不能轉視故目直也若得心熱則搐以其子母俱有實熱風火相搏故也治肝瀉青圓治心導赤散主之

驚癇發搐

男發搐目左視無聲右視有聲女發搐目右視無聲左視有聲相勝故也更有發時證

早晨發搐

因潮熱寅卯辰時身體壯熱目上視手足動搖口內生熱涎項頸急此肝旺當補腎治肝也補腎地黃圓治肝

瀉青圓主之

日午發搐

因潮熱巳午未時發搐心神驚悸日上視白睛赤色牙關緊口內涎手足動搖此心旺也當補肝治心治心導赤散涼驚圓補肝地黃圓主之

日晚發搐

因潮熱申酉戌時不甚搐而喘目微斜視身體似熱睡露睛手足冷大便淡黃水是肺旺當補脾治心肝補脾益黃散治肝瀉青圓治心導赤散主之

夜間發搐

因潮熱亥子丑時不甚搐而臥不穩身體溫壯目睛緊

斜視喉中有痰大便銀褐色乳食不消多睡不納津液
當補脾治心補脾益黃散治心導赤散涼驚圓主之

傷風後發搐

傷風後得之口中氣出熱呵欠頓悶手足動搖當發散
大青膏主之小兒生本怯者多此病也

傷食後發搐

傷食後得之身體溫多睡多睡或吐不思食而發搐當
先定搐搐退白餅子下之後服安神圓

百日內發搐

真者不過三兩次必死假者發頻不爲重真者內生驚
癇假者外傷風冷蓋血氣未實不能勝任乃發搐也欲



知假者口中氣出熱也治之可發散大青膏主之及用
塗頤浴體法

急驚

因聞大聲或大驚而發搐發過則如故此無陰也當下
利驚圓主之

小兒急驚者本因熱生於心身熱面赤引飲口中氣熱
大小便黃赤劇則搐也蓋熱甚則風生風屬肝此陽盛
陰虛也故利驚圓主之以除其痰熱不可與巴豆及溫
藥大下之恐蓄虛熱不消也小兒熱痰客於心胃因聞
聲非常則動而驚搐矣若熱極雖不因聞聲及驚亦自

發搐

慢驚

因病後或吐瀉脾胃虛損遍身冷口鼻氣出亦冷手足時瘈瘲昏睡睡露睛此無陽也括萋湯主之

凡急慢驚陰陽異證切宜辨而治之急驚合涼瀉慢驚合溫補世間俗方多不分別悞小兒甚多又小兒傷於風冷病吐瀉醫謂脾虛以溫補之不已復以涼藥治之又不已謂之本傷風醫亂攻之因脾氣卽虛內不能散外不能解至十餘日其證多睡露睛身溫風在脾胃故大便不聚而爲瀉當去脾間風風退則利止宣風散主之後用史君子圓補其胃亦有諸吐利久不差者脾虛生風而成慢驚

五癘

凡治五癘皆隨藏治之每藏各有一獸並五色圓治其病也

犬癘反折上竄犬叫肝也

羊癘目瞪吐舌羊叫心也

牛癘目直視腹滿牛叫脾也

雞癘驚跳反折手縱雞叫肺也

猪癘如尸吐沫猪叫腎也

五癘重者死病後甚者亦死

瘡疹候

面燥頤赤目胞亦赤呵欠顫悶乍涼乍熱咳嗽噓噴手

足梢冷夜臥驚悸多睡並瘡疹證此天行之病也惟用
溫涼藥治之不可妄下及妄攻發受風冷

五藏各有一證肝藏水疱肺藏膿疱心藏斑脾藏疹歸
腎變黑

惟斑疹病後或發癩餘瘡難發癩矣木勝脾木歸心故
也若涼驚用涼驚圓溫驚用粉紅圓

小兒在胎十月食五藏血穢生下則其毒當出故瘡疹
之狀皆五藏之液肝主淚肺主涕心主血脾爲裏血其
瘡出有五名肝爲水疱以淚出如水其色青小肺爲膿
疱以涕稠濁色白而大心爲斑主心血色赤而小次於
水疱脾爲疹小次斑瘡其主裏血故赤色黃淺也涕淚

出多故膿疱水疱皆大血營於內所出不多故斑疹皆小也病疱者涕淚俱少譬胞中容水水去則瘦故也始發潮熱三日以上熱運入皮膚卽發瘡疹而不甚多者熱畱膚腠之間故也潮熱隨藏出如早食潮熱不已爲水疱之類也

瘡疹始出之時五藏證見惟腎無候但見平證耳聾涼耳涼是也聾耳俱屬於腎其居北方主冷也若瘡黑陷而耳聾反熱者爲逆也若用百祥圓牛李膏各三服不愈者死病也

凡瘡疹若出辨視輕重若一發便出盡者必重也瘡夾疹者半輕半重也出稀者輕裏外微紅者輕外黑裏赤

者微重也外白裏黑者大重也瘡端裏黑點如針孔者勢劇也青乾紫陷昏睡汗出不止煩燥熱渴腹脹啼喘大小便不通者困也凡瘡疹當乳母慎口不可令飢及受風冷必歸腎而變黑難治也

有大熱者當利小便有小熱者宜解毒若黑紫乾陷者百祥圓下之不黑者慎勿下更看時月輕重大抵瘡疹屬陽出則爲順故春夏病爲順秋冬病爲逆冬月腎旺又盛寒病多歸腎變黑又當辨春膿疱夏黑陷秋斑子冬疹子亦不順也雖重病猶十活四五黑者無問何時十難救一其候或寒戰噤牙或身黃腫紫宜急以百祥圓下之復惡寒不已身冷出汗耳聾反熱者死病也何

以然腎氣大旺脾虛不能制故也下後身熱氣溫欲飲水者可治以脾土勝腎寒去而溫熱也治之宜解毒不可妄下妄下則內虛多歸於腎若能食而痲頭焦起或未黑而喘實者可下之身熱煩渴腹滿而喘大小便澀面赤悶亂大吐此當利小便不差者宣風散下之若五七日痲不焦是內發熱熱氣蒸於皮中故瘡不得焦痲也宜宣風散導之用生犀磨汁解之使熱不生必著痲矣

瘡疹由內相勝也惟斑疹能作搐疹爲脾所生脾虛而肝旺乘之木來勝土熱氣相擊動於心神心喜爲熱神氣不安因搐成癇斑子爲心所生心生熱熱則生風風



屬於肝二藏相搏風火相爭故發搐也治之當瀉心肝
補其母拈藜湯主之

瘡黑而忽瀉便膿血并痂皮者順水穀不消者逆何以
然且瘡黑屬腎脾氣本強或舊服補脾藥脾氣得實腎
雖用事脾可制之今瘡入腹爲膿血及連痂皮得出是
脾強腎退卽病出而安也米穀及瀉乳不化者是脾虛
不能制腎故自洩也此必難治

傷風

昏睡口中氣熱呵欠頓悶當發散與大青膏解不散有
下證當下大黃圓主之大飲水不止而善食者可微下
餘不可下也

傷風手足冷

脾藏怯也當和脾後發散和脾益黃散發散大青膏主之

傷風自利

脾藏虛怯也當補脾益黃散發散大青膏主之未差調中圓主之有下證大黃圓下之下後服溫驚圓

傷風腹脹

脾藏虛也當補脾必不喘後發散仍補脾也去脹塌氣圓主之發散大青膏主之

傷風兼藏

兼心則驚悸

兼肺則悶亂喘息哽氣長出氣嗽

兼腎則畏明

各隨補母藏虛見故也

傷風下後餘熱

以藥下之太過胃中虛熱飲水無力也當生胃中津液
多服白朮散

傷寒瘡疹同異

傷寒男體重面黃女面赤喘急憎寒各口中氣熱呵欠
頓悶項急也瘡疹則顛赤燥多噴嚏悸動昏倦四支冷
也傷寒當發散之治瘡疹行溫平之功有大熱者解毒
餘見前說

初生三日內吐瀉壯熱

不思乳食大便乳食不消或白色是傷食當下之後利
胃下用白餅子和胃用益黃散主之

初生三日已上至十日吐瀉身溫涼

不思乳食大便青白色乳食不消此上實下虛也更有

兼見證

肺睡露睛喘氣

心驚悸飲水

脾困倦饒睡

肝呵欠頓悶

腎不語畏明

當瀉見兒兼藏補脾益黃散主之此二證多病於秋夏

也



生下吐

初生下拭掠兒口中穢惡不盡嚥入喉中故吐木菰圓
主之凡初生急須拭掠口中令淨若啼聲一發則嚥下
多生諸病

傷風吐瀉身溫

乍涼乍熱睡多氣羸大便黃白色嘔吐乳食不消時咳
嗽更有五藏兼見證當煎入藏君臣藥化大青膏後服
益黃散如先曾下或無下證慎不可下也此乃脾肺受
寒不能入食也

傷風吐瀉身熱

多睡能食乳飲水不止吐痰大便黃水此爲胃虛熱渴

吐瀉也當生胃中津液以止其渴止後用發散藥止渴
多服白朮散發散大青膏主之

傷風吐瀉身涼

吐沫瀉青白色悶亂不渴哽氣長出氣睡露睛此傷風
荏苒輕怯因成吐瀉當補脾後發散補脾益黃散發散
大青膏主之此二證多病於春冬也

風溫潮熱壯熱相似

潮熱者時間發熱過時即退來日依時發熱此欲發驚
也壯熱者一向熱而不已甚則發驚癇也風熱者身熱
而口中氣熱有風證溫壯者但溫而不熱也

腎怯失音相似

病吐瀉及大病後雖有聲而不能言又能嚙藥此非失音爲腎怯不能上接於陽故也當補腎地黃圓主之失音乃猝病耳

黃相似

身皮目皆黃者黃病也身痛髀背強大小便澁一身盡黃面目指爪皆黃小便如屋塵色看物皆黃渴者難治此黃疸也二證多病於大病後別有一證不因病後身微黃者胃熱也大人亦同又有面黃腹大食土渴者脾瘡也又有自生而身黃者胎疸也古書云諸疸皆熱色深黃者是也若淡黃兼白者胃怯胃不和也

夏秋吐瀉

五月十五日已後吐瀉身壯熱此熱也小兒藏府十分中九分熱也或因傷熱乳食吐乳不消瀉深黃色玉露散主之

六月十五日已後吐瀉身溫似熱藏府六分熱四分冷也吐嘔乳食不消瀉黃白色似渴或食乳或不食乳食前少服益黃散食後多服玉露散

七月七日已後吐瀉身溫涼三分熱七分冷也不能食乳多似睡悶亂哽氣長出氣睡露睛唇白多噦欲大便不渴食前多服益黃散食後少服玉露散

八月十五日已後吐瀉身冷無陽也不能食乳乾噦瀉青褐水當補脾益黃散主之不可下也

吐乳

吐乳瀉黃傷熱乳也吐乳瀉青傷冷乳也皆當下

虛羸

脾胃不和不能食乳致肌瘦亦因大病或吐瀉後脾胃
尚弱不能傳化穀氣也有冷者時時下利唇口青白有
熱者溫壯身熱肌肉微黃此冷熱虛羸也冷者木香圓
主之夏月不可服如有證則少服之熱者胡黃連圓主
之冬月不可服如有證則少服之

欬嗽

夫嗽者肺感微寒八九月間肺氣大旺病嗽者其病必
實非久病也其證面赤痰盛身熱法當以葶藶圓下之



若久者不可下也十一月十二月嗽者乃傷風嗽也風從背脊第三椎肺俞穴入也當以麻黃湯汗之有熱證面赤飲水涎熱咽喉不利者宜兼甘桔湯治之若五七日間其證身熱痰盛唾粘者以礪銀圓下之有肺盛者欬而後喘面腫欲飲水有不飲水者其身即熱以瀉白散瀉之若傷風欬嗽五七日無熱證而但嗽者亦葶藶圓下之後用化痰藥有肺虛者欬而哽氣時時長出氣喉中有聲此久病也以阿膠散補之痰盛者先實脾後以礪銀圓微下之涎退即補肺補肺如上法有嗽而吐水或青綠水者以百祥圓下之有嗽而吐痰涎乳食者以白餅子下之有嗽而咯膿血者乃肺熱食後服甘桔



湯久嗽者肺亡津液阿膠散補之效而痰實不甚喘而面赤時飲水者可徧銀圓下之治嗽大法盛卽下之久卽補之更量虛實以意增損

諸疖

疖在內目腫腹脹利色無常或沫青白漸瘦弱此冷證也

疖在外鼻下赤爛目燥鼻頭上有瘡不著痂漸透耳生瘡治鼻瘡爛蘭香散諸瘡白粉散主之

肝疖白膜遮睛當補肝地黃圓主之

心疖面黃頰赤身壯熱當補心安神圓主之

脾疖體黃腹大食泥土當補脾益黃散主之



腎疳極瘦身有瘡疥當補腎地黃圓主之

筋疳瀉血而瘦當補肝地黃圓主之

肺疳氣喘口鼻生瘡當補脾肺益黃散主之

骨疳喜臥冷地當補腎地黃圓主之

諸疳皆依本藏補其母及與治疳藥冷則木香圓熱則

胡黃連圓主之

疳皆脾胃病亡津液之所作也因大病或吐瀉後以藥
吐下致脾胃虛弱亡津液且小兒病疳皆愚醫之所壞
病假如潮熱是一藏虛一藏實而內發虛熱也法當補
母而瀉本藏則愈假令日中發潮熱是心虛熱也肝爲
心母則宜先補肝肝實而後瀉心心得母氣則內平而

潮熱愈也醫見潮熱妄謂其實乃以大黃牙硝輩諸冷藥利之利既多矣不能禁約而津液內亡卽成疳也又有病癖其疾發作寒熱飲水脇下有形硬痛治癖之法當漸消磨醫反以巴豆硃砂輩下之小兒易虛易實下之既過胃中津液耗損漸令疳瘦

又有病傷寒五六日間有下證以冷藥下之太過致脾胃津液少卽使引飲不止而生熱也熱氣內耗肌肉外消他邪相干證變諸端因亦成疳

又有吐瀉久病或醫妄下之其虛益甚津液燥損亦能成疳

又有肥疳卽脾疳也身瘦黃皮乾而有瘡疥其候不一

種種異端今略舉綱紀目澁或生白膜唇赤身黃乾或
黑喜臥冷地或食泥土身有瘡疥瀉青白黃沫水利色
變易腹滿身耳鼻皆有瘡髮鬢作穗頭大項細極瘦飲
水皆其證也

大抵疳病當辨冷熱肥瘦其初病者爲肥熱疳久病者
爲瘦冷疳冷者木香圓熱者黃連圓主之冷熱之疳尤
宜如聖圓故小兒之藏府柔弱不可痛擊大下必亡津
液而成疳凡有可下量大小虛實而下之則不至爲疳
也初病津液少者當生胃中津液白朮散主之惟多則
妙餘見下

胃氣不和

面眇白無精光口中氣冷不思食吐水當補脾益黃散
主之

胃冷虛

面眇白色弱腹痛不思食當補脾益黃散主之若下利
者調中圓主之

積痛

口中氣溫面黃白目無精光或白睛多及多睡畏食或
大便酸臭者當磨積宜消積圓甚者當白餅子下之後
和胃

蟲痛 虛實腹痛附

面眇白心腹痛口中沫及清水出發痛有時安蟲散主

之小兒本怯者多此病

積痛食痛虛痛大同小異惟蟲痛者當口淡而沫自出治之隨其證

蟲與癩相似

小兒本怯故胃虛冷則蟲動而心痛與癩略相似但目不斜手不搖也安蟲散主之

氣不和

口頻撮當調氣益黃散主之

食不消

脾胃冷故不能消化當補脾益黃散主之

腹中有癖



不食但飲乳是也當漸用白餅子下之

小兒病癖由乳食不消伏在腹中乍涼乍熱飲水或喘嗽與潮熱相類不早治必成疳以其有癖則令兒不食致脾胃虛而熱發故引飲水過多卽蕩滌腸胃亡失津液脾胃不能傳化水穀其脈沈細益不食脾胃虛衰四肢不舉諸邪遂生鮮不瘦而成疳矣餘見疳門

虛實腹脹 腫附

腹脹由脾胃虛氣攻作也實者悶亂滿喘可下之用紫霜圓白餅子不喘者虛也不可下若悞下則脾氣虛上附肺而行肺與脾子母皆虛肺主目胞腮腫之類脾主四肢母氣虛甚卽目胞腮腫也色黃者屬脾也治之用塌

氣圓漸消之未愈漸加圓數不可以丁香木香橘皮豆
蔻大溫散藥治之何以然脾虛氣未出腹脹而不喘可
以散藥治之使上下分消其氣則愈也若虛氣已出附
肺而行卽脾胃內弱每生虛氣入於四肢面目矣小兒
易爲虛實脾虛不受寒溫服寒則生冷服溫則生熱當
識此勿悞也胃久虛熱多生疸病或引飲不止脾虛不
能勝腎隨肺之氣上行於四肢若水狀腎氣浸浮於肺
卽大喘也此當服塌氣圓病愈後面未紅者虛衰未復
故也

治腹脹者譬如行兵戰寇於林寇未出林以兵攻之必
可獲寇若出林不可急攻必有失當以意漸收之卽

順也

治虛腹脹先服塌氣圓不愈腹中有食積結糞小便黃
時微喘脈伏而實時飲水能食者可下之蓋脾初虛而
後結有積所治宜先補脾後下之下後又補脾即愈也
補肺恐生虛喘

喜汗

厚衣臥而額汗出也止汗散主之

盜汗

睡而自汗出肌肉虛也止汗散主之遍身汗香瓜圓主
之

夜啼

脾藏冷而痛也當與溫中藥及以法禳之花火膏主之

驚啼

邪熱乘心也當安心安神圓主之

弄舌

脾藏微熱令舌絡微緊時時舒舌治之勿用冷藥及下之當少與瀉黃散漸服之亦或飲水醫疑爲熱必冷藥下之者非也飲水者脾胃虛津液少也又加面黃肌瘦五心煩熱卽爲疳瘦宜胡黃連圓輩大病未已弄舌者

凶

丹癰

熱毒氣客於腠理搏於血氣發於外皮上赤如丹當以

白玉散塗之

解顛

年大而顛不合腎氣不成也長必少笑更有目白睛多
眇白色瘦者多愁少喜也餘見腎虛

太陽虛汗

上至頭下至項不過胸也不須治之

胃怯汗

上至項下至臍此胃虛當補胃益黃散主之

胃滯

小兒筋骨血脈未成多哭者至小所有也

胎肥

生下肌肉厚遍身血色紅滿月以後漸漸肌瘦目白睛粉紅色五心熱大便難時時生涎浴體法主之

胎怯

生下面色無精光肌肉薄大便白水身無血色時時嘔氣多噦目無精彩當浴體法主之

胎熱

生下有血氣時叫哭身壯熱如淡茶色目赤小便赤黃糞稠急食乳浴體法主之更別父母肥瘦肥不可生瘦瘦不可生肥也

急欲乳不能食

因客風熱入兒臍流入心脾經卽舌厚唇燥口不能乘

乳當涼心脾

龜背龜胸

肺熱脹滿攻於胸鬲卽成龜胸又乳母多食五辛亦成
兒生下客風入脊逐於骨髓卽成龜背治之以龜尿點
節骨取尿之法當蓮葉安龜在上後用鏡照之自尿出
以物盛之

腫病

腎熱傳於膀胱膀胱熱盛逆於脾胃脾胃虛而不能制
腎水反尅土脾隨水行脾主四肢故流走而身面皆腫
也若大喘者重也何以然腎大盛而尅退脾土上勝心
火心又勝肺肺爲心尅故喘或問曰心刑肺肺本見虛

今何喘實曰此有二一者肺大喘此五藏逆二者腎水
氣上行傍浸於肺故令大喘此皆難治

五藏相勝輕重

肝藏病見秋木旺肝強勝肺也宜補肺瀉肝輕者肝病
退重者唇白而死

肺病見春金旺肺勝肝當瀉肺輕者肺病退重者目淡
青必發驚更有赤者當搖爲肝怯當目淡青色也

心病見冬火旺心強勝腎當補腎治心輕者病退重者
下竄不語腎虛怯也

腎病見夏水勝火腎勝心也當治腎輕者病退重者悸
動當搖也

脾病見四旁皆做此治之順者易治逆者難治脾怯當
面目赤黃五藏相反隨證治之

雜病證

目赤兼青者欲發搐

目直而青身反折強直者生驚

咬牙甚者發驚

口中吐沫水者後必蟲痛

昏睡善噫悸者將發瘡疹

吐瀉昏睡露睛者胃虛熱

吐瀉昏睡不露睛者胃實熱

吐瀉乳不化傷食也下之



吐沫及痰或白綠水皆胃虛冷

吐稠涎及血皆肺熱久則虛

瀉黃紅赤黑皆熱赤亦毒

瀉青白穀不化胃冷

身熱不飲水者熱在外身熱飲水者熱在內

口噤不止則失音遲聲亦同

長大不行行則腳細

齒久不生生則不固

髮久不生生則不黑

血虛怯爲冷所乘則唇青

尿深黃色久則尿血



小便不通久則脹滿當利小便

洗浴拭臍不乾風入作瘡令兒撮口甚者是脾虛吐涎痰熱者下之吐涎痰冷者溫之

先發膿疱後發斑子者逆

先發膿疱後發疹子者順

先發水疱後發疹子者逆

先發膿疱後發水疱多者順少者逆

先水疱後斑子多者逆少者順

先疹子後斑子者順

凡瘡疹只出一般者善

胎實面紅目黑睛多者多喜笑

胎怯面黃目黑睛少白睛多者多哭

凡病先虛或下之合下者先實其母然後下之假令肺虛而痰實此可下先當益脾後方瀉肺也

大喜後食乳食多成驚癇

大哭後食乳食多成吐瀉

心痛吐水者蟲痛

心痛不吐水者冷心痛

吐水不心痛者胃冷

病重面有五色不常不澤者死

呵欠面赤者風熱

呵欠面青者驚風

阿欠面黃者脾虛驚

阿欠多睡者內熱

阿欠氣熱者傷風

熱證疎利或解化後無虛證勿溫補熱必隨生

不治證

目赤脈貫瞳人

頤腫及陷

鼻乾黑

魚口氣急

吐蟲不定

瀉不定精神好

大渴不止止之又渴

吹鼻不噴

病重口乾不睡

時氣唇上青黑點

頰深赤如塗胭脂

鼻開張



喘急不定

喘急不定者此為肺病之徵也
 肺主氣司呼吸氣逆則喘急
 喘急者多因風寒外感或
 因於痰飲內停或因於肺
 熱所致或因於氣虛血弱
 或因於心火亢盛或因於
 腎水不足或因於肝火
 上升或因於脾土不健
 或因於胃氣不和或因於
 腸胃不和或因於小腸
 不和或因於膀胱不和
 或因於三焦不和或因於
 六腑不和或因於五臟
 不和或因於百病不和
 或因於百脈不和或因於
 百骸不和或因於百節
 不和或因於百病不和
 或因於百脈不和或因於
 百骸不和或因於百節
 不和

皖南建德

周氏校刊



小兒藥證直訣卷中

記嘗所治病二十三證

李寺丞子三歲病搐自卯至巳數醫不治後召錢氏視之搐目右視大叫哭李曰何以搐右錢曰逆也李曰何以逆曰男爲陽而本發左女爲陰而本發右若男目左視發搐時無聲右視有聲女發時右視無聲左視有聲所以然者左肝右肺肝木肺金男目右視肺勝肝也金來刑木二藏相戰故有聲也治之瀉其強而補其弱心實者亦當瀉之肺虛不可瀉肺虛之候悶亂哽氣長出氣此病男反女故男易治於女也假令女發搐目左視肺之勝肝又病在秋卽肺兼旺位

肝不能任故哭叫當大瀉其肺然後治心續肝所以
俱言目反直視乃肝主目也凡搐者風熱相搏於內
風屬肝故引見之於目也錢用瀉肺湯瀉之二目不
悶亂當知肺病退後下地黃圓補腎三服後用瀉青
圓涼驚圓各二服凡用瀉心肝藥五日方愈不妄治
也又言肺虛不可瀉者何也曰設令男目右視木反
尅金肝旺勝肺而但瀉肝若更病在春夏金氣極虛
故當補其肺慎勿瀉也

廣親宅七太尉方七歲潮熱數日欲愈錢謂其父二大
王曰七使潮熱方安八使預防驚搐王怒曰但使七
使愈勿言八使病錢曰八使過來日午間卽無苦也

次日午前果作急搐召錢治之三目而愈蓋預見目直視而顛赤必肝心俱熱更坐石机子乃欲冷此熱甚也肌膚素肥盛脈又急促故必驚搐所言語時者自寅至午皆心肝所用事時治之瀉心肝補腎自安矣

李司戶孫病生百日發搐三五次請眾醫治作天鈞或作胎驚癇皆無應者後錢用大青膏如小豆許作一服發之復與塗頤法封之及浴法三日而愈何以然嬰兒初生肌骨嫩怯被風傷之子不能任故發搐頻發者輕也何者客風在內每遇不任即搐搐稀者是內藏發病不可救也搐頻者宜散風冷故用大青膏

不可多服蓋兒至小易虛易實多卽生熱止一服而巳更當封浴無不效者

東都王氏子吐瀉諸醫藥下之至虛變慢驚其候睡露睛手足痠癢而身冷錢曰此慢驚也與菰蘆湯其子胃氣實卽開目而身溫王疑其子不大小便令諸醫以藥利之醫畱八正散等數服不利而身復冷令錢氏利小便錢曰不當利小便利之必身冷王曰已身冷矣因抱出錢曰不能食而胃中虛若利大小便卽死久卽脾胃俱虛當身冷而閉目幸胎氣實而難衰也錢用益黃散史君子圓四服令微飲食至日午果能飲食所以然者謂利大小便脾胃虛寒當補脾不

可別攻也後又不語諸醫作失音治之錢曰既失音
開目而能飲食又牙不緊而口不緊也諸醫不能曉
錢以地黃圓補腎所以然者用清藥利小便致脾腎
俱虛今脾已實腎虛故補腎必安治之半月而能言
一月而痊也

東都藥鋪杜氏有子五歲自十一月病嗽至三月未止
始得嗽而吐痰乃外風寒蓄入肺經今肺病嗽而吐
痰風在肺中故也宜以麻黃輩發散後用涼藥壓之
卽愈時醫以鐵粉圓半夏圓扁銀圓諸法下之其肺
卽虛而嗽甚至春三月間尙未愈召錢氏視之其候
面青而光嗽而喘促哽氣又時長出氣錢曰痰困十

已八九所以然者面青而光肝氣旺也春三月者肝之位也肺衰之時也嗽者肺之病肺之病自十一月至三月久卽虛痿又胃下之脾肺子母也復爲肝所勝此爲逆也故嗽而喘促哽氣長出氣也錢急與瀉青圓瀉後與阿膠散實肺次日面青而不光錢又補肺而嗽如前錢又瀉肝瀉肝未已又加肺虛唇白如練錢曰此病必死不可治也何者肝大旺而肺虛熱肺病不得其時而肝勝之今三瀉肝而肝病不退三補肺而肺證猶虛此不久生故言死也此證病於秋者十救三四春夏者十難救一果大喘而死

京東轉運使李公有孫八歲病嗽而胸滿短氣醫者言

肺經有熱用竹葉湯牛黃膏各貳服治之三日加喘
錢曰此肺氣不足復有寒邪即使喘滿當補肺脾勿
服涼藥李曰醫已用竹葉湯牛黃膏錢曰何治也醫
曰退熱退涎錢曰何熱所作曰肺經熱而生嗽嗽久
不除生涎錢曰本虛而風寒所作何熱也若作肺熱
何不治其肺而反調心蓋竹葉湯牛黃膏治心藥也
醫有慚色錢治愈

東都張氏孫九歲病肺熱他醫以犀珠龍麝生牛黃治
之一月不愈其證嗽喘悶亂飲水不止全不能食錢
氏用史君子圓益黃散張曰本有熱何以又行溫藥
他醫用涼藥攻之一月尚無效錢曰涼藥久則寒不

能食小兒虛不能食當補脾候飲食如故卽瀉肺經
病必愈矣服補脾藥二日其子欲飲食錢以瀉白散
瀉其肺遂愈張曰何以不虛錢曰先實其脾然後瀉
肺故不虛也

陸親宮十太尉病瘡疹眾醫治之王曰疹未出屬何藏
腑一醫言胃大熱一醫言傷寒不退一醫言在母腹
中有毒錢氏曰若言胃熱何以乍涼乍熱若言母腹
中有毒發屬何藏也醫曰在脾胃錢曰旣在脾胃何
以驚悸醫無對錢曰夫胎在腹中月至六七則已成
形食母穢液入兒五藏食至十月滿胃腕中至生之
時口有不潔產母以手拭淨則無疾病俗以黃連汁

壓之云下臍糞及涎穢也此亦母之不潔餘氣入兒
藏中本先因微寒入而成瘡疹未出五藏皆見病症
內一藏受穢多者乃出瘡疹初欲病時先呵欠顛悶
驚悸乍涼乍熱手足冷痺而顛燥赤嗽嗽時嚏此五
藏證具也呵欠顛悶肝也時發驚悸心也乍涼乍熱
手足冷脾也面目顛頰赤嗽嚏肺也惟腎無候以在
腑下不能食穢故也凡瘡疹乃五藏毒若出歸一證
則肝水疱肺膿疱心斑脾疹惟腎不食毒穢而無諸
證瘡黑者屬腎由不慎風冷而不飽內虛也又用抱
龍圓數服愈其別無他候故未發出則見五藏證已
出則歸一藏也

四大王宮五大尉因墜鞦韆發驚搐醫以發熱藥治之不愈錢氏曰本急驚後生大熱當先退其熱以大黃圓玉露散惺惺圓加以牛黃龍麝解之不愈至三日肌膚上熱錢曰更二日不愈必發斑瘡蓋熱不能出也他醫初用藥發散發散入表表熱卽斑生本初驚時當用利驚藥下之今發散乃逆也後二日果斑出以必勝膏治之七日愈

睦親宅一大王病瘡疹始用一李醫又召錢氏錢畱抱龍圓三服李以藥下之其疹稠密錢見大驚曰若非轉下則爲逆病王言李已用藥下之錢曰瘡疹始出未有他證不可下也但當用平和藥頻與乳食不受

風冷可也如瘡疹三日不出或出不快卽微發之微發不出卽加藥不出卽大發之如大發後不多及脈平無證者卽瘡本稀不可更發也有大熱者當利小便小熱者當解毒若出快勿發勿下故止用抱龍圓治之瘡痂若起能食者大黃圓下一二行卽止今先下一日瘡疹未能出盡而稠密甚則難治此悞也縱得安其病有三一者疥二者癰三者目赤李不能治經三日黑陷復召錢氏曰幸不發寒而病未困也遂用百祥圓治之以牛李膏爲助若黑者歸腎也腎王勝脾土不尅水故脾虛寒戰則難治所用百祥圓者以瀉膀胱之腑腑若不實藏自不盛也何以不瀉腎

曰腎主虛不受瀉若二服不效卽加寒而死

皇都徐氏子三歲病潮熱每日西則發搐身微熱而目微邪反露睛四肢冷而喘大便微黃錢與李醫同治錢問李曰病何搐也李曰有風何身熱微溫曰四肢所作何目斜露睛曰搐則目斜何肢冷曰冷厥必內熱曰何喘曰搐之甚也曰何以治之曰嚏驚圓鼻中灌之必搐止錢又問曰旣謂風病溫壯搐引目斜露睛內熱肢冷及搐甚而喘併以何藥治之李曰皆此藥也錢曰不然搐者肝實也故令搐日西身微熱者肺潮用事肺主身溫且熱者爲肺虛所以目微斜露睛者肝肺相勝也肢冷者脾虛也肺若虛甚用益黃

散阿膠散得脾虛證退後以瀉青圓導赤散涼驚圓
治之後九日平愈

朱監簿子五歲夜發熱曉卽如故眾醫有作傷寒者有
作熱治者以涼藥解之不愈其候多涎而喜睡他醫
以鐵粉圓下涎其病益甚至五日大引飲錢氏曰不
可下之乃取白朮散末煎一兩汁三升使任其意取
足服朱生曰飲多不作瀉否錢曰無生水不能作瀉
縱瀉不足怪也但不可下耳朱生曰先治何病錢曰
止渴治痰退熱清裏皆此藥也至晚服盡錢看之曰
更可服三升又煎白朮散三升服盡得稍愈第三日
又服白朮散三升其子不渴無涎又投阿膠散二服

而愈

朱監簿子三歲忽發熱醫曰此心熱顙赤而唇紅煩燥引飲遂用牛黃圓三服以一物瀉心湯下之來日不愈反加無力不能食又便利黃沫錢曰心經虛而有雷熱在內必被涼藥下之致此虛勞之病也錢先用白朮散生胃中津後以生犀散治之朱曰大便黃沫如何曰胃氣正卽瀉自止此虛熱也朱曰醫用瀉心湯何如錢曰瀉心湯者黃連性寒多服則利能寒脾胃也坐久眾醫至曰實熱錢曰虛熱若實熱何以瀉心湯下之不安而又加面黃頰赤五心煩躁不食而引飲醫曰旣虛熱何大便黃沫錢笑曰便黃沫者服

瀉心湯多故也錢後與胡黃連圓治愈

張氏三子病歲大者汗徧身次者上至頂下至胸小者但額有汗眾醫以麥煎散治之不效錢曰大者與香瓜圓次者與益黃散小者與石膏湯各五日而愈

廣親宅四大王宮五太尉病吐瀉不止水穀不化眾醫用補藥言用薑汁調服之六月中服溫藥一日益加喘吐不定錢曰當用涼藥治之所以然者謂傷熱在內也用石膏湯三服併服之眾醫皆言吐瀉多而米穀不化當補脾何以用涼藥王信眾醫又用丁香散三服錢後至曰不可服此三日外必腹滿身熱飲水吐逆三日外一如所言所以然者謂六月熱甚伏入

腹中而令引飲熱傷脾胃卽大吐瀉他醫又行溫藥
卽上焦亦熱故喘而引飲三日當死眾醫不能治復
召錢至宮中見有熱證以白虎湯三服更以白餅子
下之一日減藥二分二日三日又與白虎湯各二服
四日用石膏湯一服旋合麥門冬黃芩腦子牛黃天
竺黃茯苓以朱砂爲衣與五圓竹葉湯化下熱退而
安

馮承務子五歲吐瀉壯熱不思食錢曰目中黑睛少而
白睛多面色眊白神怯也黑睛少腎虛也黑睛屬水
本怯而虛故多病也縱長成必肌膚不壯不耐寒暑
易虛易實脾胃亦怯更不可縱酒慾若不保養不過

壯年面上常無精神光澤者如婦人之失血也今吐利不食壯熱者傷食也不可下下之虛入肺則嗽入心則驚入脾則瀉入腎則益虛此但以消積圓磨之爲微有食也如傷食甚則可下不下則成癖也實食在內乃可下之畢補脾必愈隨其虛實無不效者

廣親宮七太尉七歲吐瀉是時七月其證全不食而昏

睡睡覺而悶亂哽氣乾噦大便或有或無不渴眾醫

作驚治之疑睡故也錢曰先補脾後退熱與史君子

圓補脾退熱石膏湯次日又以水銀硫黃二物下之

生薑水調下一字錢曰凡吐瀉五月內九分下而一

分補八月內十分補而無一分下此者是脾虛瀉醫



妄治之至於虛損下之卽死當卽補脾若以史君子
圓卽緩錢又畱溫胃益脾藥止之醫者李生日何食
而碗錢曰脾虛而不能食津少卽碗逆曰何瀉青褐
水曰腸胃至虛冷極故也錢治而愈

黃承務子二歲病瀉眾醫止之十餘日其證便青白乳
物不消身涼加哽氣昏睡醫謂病困篤錢氏先以益
脾散三服補肺散三服三日身溫而不哽氣後以白
餅子微下之與益脾散二服利止何以然利本脾虛
傷食初不與大下措置十日上實下虛脾氣弱引肺
亦虛補脾肺病退卽溫不哽氣是也有所傷食仍下
之也何不先下後補曰便青爲下藏冷先下必大虛

先實脾肺下之則不虛而後更補之也

睦親宮中十大王瘡疹云瘡疹始終出未有他證不可
下但當用平和藥煩與乳食不受風冷可也如瘡疹
三日不出或出不快卽微發之如瘡發後不多出卽
加藥加藥不出卽大發之如發後不多及脈平無證
卽瘡本稀不可更發也有大熱者當利小便小熱者
當解毒若不快勿發勿下攻止用抱龍圓治之瘡疹
若起能食者大黃圓下一二行卽止有大熱者當利
小便有小熱者宜解毒若黑紫乾陷者百祥圓下之
不黑者甚勿下身熱煩燥腹滿而喘大小便瀉面赤
悶亂大吐此當利小便不瘥者宣風散下之也若五

七日痲不焦是內發熱氣蒸於皮中故瘡不得焦痲也宜宣風散導之用生犀角磨汁解之使熱不生必著痲矣

辛氏女子五歲病蟲痛諸醫以巴豆乾漆硃砂之屬治之不效至五日外多哭而俛仰睡臥不安自按心腹時大叫面無正色或青或黃或白或黑目無光而慢唇白吐沫至六日胸高而臥轉不安召錢至錢詳視之用蕪荑散三服見目不除青色大驚曰此病大困若更加瀉則爲逆矣至次日辛見錢日夜來三更果瀉錢于瀉盆中看如藥汁以杖攪之見有丸藥錢曰此子肌厚當氣實今證反虛不可治也辛曰何以然

錢曰脾虛胃冷則蟲動而今反目青此肝乘脾又更
加瀉知其氣極虛也而丸藥隨糞下卽脾胃已脫兼
形病不相應故知死病後五日昏篤七日而死
段齋郎子四歲病嗽身熱吐痰數日而咯血前醫以桔
梗湯及防已圓治之不愈涎上攻吐喘不止請錢氏
下褊銀圓一大服復以補肺湯補肺散治之或問段
氏子咯血肺虛何以下之錢曰肺雖咯血有熱故也
久則虛痿今涎上潮而吐當下其涎若不吐涎則不
甚便蓋吐涎能虛又生驚也痰實上攻亦能發搐故
依法只宜先下痰而後補脾肺必涎止而吐愈爲順
治也若先補其肺爲逆耳此所謂識病之輕重先後

爲治也

鄭人齊郎中者家好收藥散施其子忽藏熱齊自取青
金膏三服并一服餌之服畢至三更瀉五行其子困
睡齊言子睡多驚又與青金膏一服又瀉三行加日
乾身熱齊言尚有微熱未盡又與青金膏其妻日用
藥十餘行未安莫生他病否召錢氏至日已成虛羸
先用前白朮散時服之後服香瓜圓十三日愈
曹宣德子三歲面黃時發寒熱不欲食而飲水及乳眾
醫以爲潮熱用牛黃圓麝香圓不愈及以止渴乾葛
散服之反吐錢曰當下白餅子後補脾乃以消積圓
磨之此乃癖也後果愈何以故不食但飲水者食伏

於管內不能消致令發寒服止渴藥吐者以藥衝故
也下之即愈



凡人病後體虛者宜服此藥以資補益
 全無苦味服之即覺精神百倍
 脾胃虛弱者服之即覺飲食倍增
 婦人經期不調者服之即覺經水自來
 小兒疳積者服之即覺腹中飽滿
 老人氣血兩虧者服之即覺步履輕健
 凡用前白朮散飲酒時服之即覺
 胃氣健運子之成而無時發熱不飲
 或以為補劑用之即覺精神百倍
 此藥之功效誠不可言也

皖南建德

周氏校刊

